

Նայնիւ 370,640 հոգին դարձեալ մի խոշոր թռանշան է: Մի այսքան բազմութիւն դեռ ամփոփ կերպով մնացել է հայրենական հողի վրայ: Թողեալ այդ, այս Նահանգում կան եւ ուրիշ ազգութիւններ, որոնք մեզ վիճակակից են: Հրեաների, ասորիների, բոշաների եւ եգիպտացիների դրութիւնն աւելի վատ է, քան թէ հայերինը: Այս թշուառականները Նոյնպէս մարդիկ են եւ մեզ նման մարդիկ, Նրանց էլ պէտք է ազատութիւնը: Նրանք մեր բարի դրացիներն են եւ լաւ կենակիցներ են, Նրանք պատրաստ են մեզ հետ գործելու...:

Հաշտելով ամբողջ Վանայ Նահանգի քուրդ, թուրք եւ այլ մահմեդական ազգաբնակչութիւնները, բոլոր հայերի կէս մասը հազիւ են կազմում. բայց Նրանք տիրում են ամենի վրայ, որովհետեւ զէնք ունեն, որովհետեւ կոպիտ եւ վայրենի ուժ ունեն: Այս երկրներն անունով միայն պատկանում են Տաճկաստանին, բայց իսկապէս տիրում են քողերը: Այսպիսի բարբարոս ազգերի իշխանութեան ներքոյ, որոնք ամենեւին կրթութեան ընդունակ չեն, անհնար է մի ուրիշ, աւելի ընդունակ ազգութեան զարգանալ եւ մարդկային առաջադիմութեան ձգտել: Ահա՛ գլխաւոր պատճառը, թէ ինչո՞ւ այստեղ հայերն այսքան ետ են մնացել, եւ այսպէս խաւարի մէջ են ապրում: Կրկնում եմ, հայը ընդունակ է կրթութեան, որովհետեւ Նա քրիստոնէայ է, որովհետեւ Նա ունի հարուստ լեզու եւ ճոխ, բազմակողմանի գրականութիւն. Նա ունի պատմական անցեալ: Մի քրեական յանցանք է դա մարդկութեան դէմ, թողնել մի այսպիսի ազգութիւն, որ բարոյապէս, մտաւորապէս եւ ֆիզիկապէս ոչնչանայ վայրենի քրդի ու թուրքի լծի տակ: Հայը եւ ասորին կարող են արեւելքում գիտութեան եւ կրօնի առաքեալներ լինել, ինչպէս եղել են առաջ, բայց Նախ պէտք է Նրանց ազատութիւն տալ:

Բայց երբեք օտարը մարդու համար չէ մտածում, քանի որ Նա ինքն իր մասին անհոգ է: Ռամկական առածն ասում է՝ «մինչեւ տղան լաց չէ լինում, մայրը ծիծ չէ տալիս»: Բայց մենք այդ էլ փորձեցինք, շա՛տ լաց եղանք, շա՛տ աղաղակեցինք, բայց մեր ձայնը լսող չեղաւ...: Որովհետեւ ամբողջ աշխարհն իր փորի եւ քսակի համար է մտածում...: Որպէս Կ. Պոլսի «ամիրա» սեղանաւորը, իր անձնական շահերի պատճառով, միշտ խնկարկում է մի փտած եւ անկարգ կառավարութեան եւ միշտ Նրա տեւողականութեան համար է աղօթում, — այնպէս էլ կան ամբողջ քրիստոնէայ-պետութիւններ, որոնք թուրքի հետ առեւտրական յարաբերութիւններ ունեն, եւ իրանց մասնաւոր շահերի պատճառով թողնում են, որ զանազան խեղճ ազգութիւններ թուրքի բռնակալութեան տակ ճնշուեն: — Նրանք վաճառականներ են, վաճառականի սրտից միշտ հեռու է մարդասիրական զգացմունքը...